



REPUBLIKA E SHQIPËRISË
KËSHILLI I MINISTRAVE

PROJEKTVENDIM

Nr.____, datë _____.2025

**“PËR MIRATIMIN E RREGULLAVE PËR NDËRVEPRUESHMËRINË
E PAJISJEVE RADIO TË AUTOMJETEVE DHE MARRËSVE
DIGJITAL TË KONSUMATORIT”¹**

Në mbështetje të nenit 100 të Kushtetutës dhe të pikës 2, të nenit 153 të ligjit Nr.54/2024, datë 30.5.2024 “Për komunikimet elektronike në Republikën e Shqipërisë”, dhe nenit 22, të ligjit Nr. 97/2013 “Për mediat audiovizive në Republikën e Shqipërisë” të ndryshuar, Këshilli i Ministrave me propozimin e zëvendëskryeministrit dhe ministër për Infrastrukturën dhe Energjinë,

V E N D O S I:

1. Miratimin e rregullave të ndërveprueshmërisë të pajisjeve radio të automjeteve dhe marrësve digjitale të konsumatorit, sipas tekstit të aneksit që i bashkëlidhet këtij vendimi.
2. Ngarkohet Ministria e Infrastrukturës dhe Energjisë dhe Autoriteti i Medias Audiovizive për zbatimin e këtij vendimi.

Ky vendim hyn në fuqi pas botimit në “Fletoren Zyrtare”.

KRYEMINISTRI

EDI RAMA

¹ Ky vendim është përafuar pjesësisht me Direktivën (EU) 2018/1972 të Parlamentit Evropian dhe Këshillit date 11 dhjetor 2018 “Për krijimin e Kodit Evropian të Komunikimeve Elektronike”. Numri CELEX 32018L1972, Fletorja Zyrtare e Bashkimit Evropian, Seria L, nr. 321, date 17.12.2018, fq. 36-214.

RREGULLA PËR NDËRVEPRUESHMËRINË E PAJISJEVE RADIO TË AUTOMJETEVE DHE MARRËSVE DIGJITAL TË KONSUMATORIT

Për sigurimin e ndërveprueshmërisë të pajisjeve radio të automjeteve dhe marrësve digjital të konsumatorit zbatohen kërkesat teknike si më poshtë:

1. Algoritmi i përbashkët “scrambling” dhe marrja e lirë të transmetimeve

Të gjitha pajisjet e konsumatorit, që hidhen në treg për shitje ose dhënie në përdorim, apo që bëhen të disponueshme në Republikën e Shqipërisë me qëllim marrjen e sinjaleve televizive digjitale, përkatësisht përmes transmetimit nëpërmjet rrjeteve tokësore, kabllore ose satelitore, duhet të jenë të afta për “descrambling” dhe:

- a) të lejojnë ndarjen, dekodimin, mos përzierjen e sinjaleve digjitale sipas një algoritmi të përbashkët evropian të ndarjes, kodimit, përzierjes së sinjaleve, që është miratuar si standard i harmonizuar i organizatave evropiane dhe ndërkombëtare të standardizimit, në përputhje me ligjin për standardizimin.
- b) shfaqin sinjalet që transmetohen në mënyrë të qartë, me kusht që, në rast se një pajisje e tillë merret në përdorim, qiramarrësi respekton marrëveshjen përkatëse të qirasë.

1.1 Me “scrambling”, nënkuptohet teknika e përpunimit të sinjalit që përdoret për të ndryshuar sinjalin, pa e humbur përmbajtjen, që ai të duket i rastësishëm dhe që mund të deshifrohet në anën e marrësit nëpërmjet procesit “descrambling”.

2. Ndërveprueshmëria për pajisjet marrëse digjitale televizive

Çdo pajisje marrëse digjitale televizive me një ekran integral me diagonale të dukshme më të madhe se 30 cm, që është hedhur në treg për shitje ose dhënie në përdorim kundrejt qirasë në Republikën e Shqipërisë, duhet të jetë e pajisur me të paktën një ndërfaqe të hapur të standardizuar, ose në përputhje me një standard të miratuar nga një organizatë standardizimi evropiane e njohur, apo në përputhje me një specifikim të gjerë industrial. Këto pajisje duhet të mundësojnë lidhjen e thjeshtë të pajisjeve fundore dhe të jenë në gjendje të kalojnë të gjithë elementët të sinjalit digjital përkatës, përfshirë informacionin në lidhje me shërbimet ndërvepruese, interaktive dhe shërbimet e aksesit të kushtëzuar.

3. Ndërveprueshmëria për marrësit radio të makinave

Çdo pajisje marrëse radio marrëse e integruar në një automjet të ri të kategorisë M, që bëhet i disponueshëm në territorin e Republikës së Shqipërisë për shitje ose dhënie me qira, nga data 1 Korrik 2026, duhet të përmbajë një marrës radio të aftë për marrjen dhe riprodhimin e shërbimeve radio të ofruara nëpërmjet transmetimit radio tokësore digjitale. Marrësit që janë në përputhje me standardet e harmonizuara, të publikuar në Fletoren Zyrtare, ose në Gazetën Zyrtare të Bashkimit Evropian, konsiderohen se janë në përputhje me kërkesat e këtyre standardeve ose pjesë të tyre.

3.1 Automjet i kategorisë M, përcaktohet në Kodin Rrugor të Republikës së Shqipërisë.

4. Kërkesat sipas pikës 3, të këtij rregulli nuk i pengojnë marrësit radio të makinave në automjetet e reja të kategorisë M, të mundësojnë marrjen dhe riprodhimin e shërbimeve radio të ofruara nga ofruesit e shërbimit audio/radio me rrjete tokësore analoge. Radio marrësit e integruar në automjete do sigurojnë marrjen e sinjalit radio analog për sa kohë shërbimi radio digjital nuk është ofruar.

5. Zbatimi i këtyre rregullave nuk çënon zbatimin e kërkesave të miratuara me Vendimin e Këshillit të Ministrave Nr. 378 datë 5.6.2019 “Për miratimin e rregullit teknik për pajisjet radio, njohjen e ndërsjellë të vlerësimit të konformitetit të tyre dhe përcaktimin e listës së standardeve të harmonizuara” të ndryshuar.